



**Les Fleurs Des Vies Des Saints Et Des Festes De Toute  
L'Annee, Suivant L'Usage Du Calendrier Romain Reforme**

Augmentees des Saints & Bien-heureux Peres Iesuites, de Saint Charles  
Borromeo, & de Sainte Françoise ; Avec le Martyrologe Romain, pour  
tous les iours de l'Annee ...

**Ribadeneyra, Pedro de**

**Paris, 1631**

xi La vie de s. Damase Pape.

---

[urn:nbn:de:hbz:466:1-75777](https://nbn-resolving.org/urn:nbn:de:hbz:466:1-75777)

me qui l'auoit tourmentee, dont il fut tellement esmeu & espouuanté, qu'il fit penitence.

Et d'autant que le corps saint demouroit tout nud & descouuert, il tomba soudain vne grande quantité de neige pour le couvrir, & depuis les Chrestiens l'inhumèrent le mieux qu'ils peurent: Du temps du poëte Prudence il y auoit desia en meride vne belle Eglise dediee en son nom, où elle estoit reuerce, ainsi qu'il dit luy mesme: ses saintes reliques ont tousiours esté teneues en grand honneur, & nostre Seigneur y fait plusieurs miracles par son intercession, & conferue sa patrie. Les Gots respectèrent l'Eglise, & la chemise de sainte Eulalie. Le Roy Dom Pelage restaurateur d'Espagne, & le fleau des mores, voulut estre enterré en vne Eglise du nom de ceste Saincte, autrement sainte Olalale de Velanie, à cause qu'il l'inoqua à son ayde, quand il vainquit les Mores. Theodorice Roy des Gots ayant assiegé Meride, sainte Eulalie la secourut, & empescha qu'elle ne fut ruynee, commandant la nuit en songe au roy, qu'il eust à leuer le siege: ce qu'il fit.

On raconte plusieurs autres victoires & heureux succez qu'ont eu les Chrestiens par l'entremise de ceste glorieuse vierge, à laquelle les Espagnols ont vne grande deuotion: plusieurs femmes portent son nom, mesme des bourgs & villages dans le royaume de toledo & d'Andalousie, qui est vne marque des grands merites de ceste vierge, & du respect qu'on luy porte. Gregoire de tours escrit vn miracle qui auoit accoustumé de se faire tous les ans le iour de son martyre, de quelques branches d'arbres dont on couuroit son tombeau, & quoy qu'ils n'eussent point de feuilles (à cause que la feste est au mois de Decembre) ils florissoient ce iour-là, & produisoient des fleurs saintes comme de petits pigeons, qui sentoient fort bon, par le moyen desquelles, selon le temps qu'elles seroient, le peuple faisoit coniecture si l'annee suivante leur seroit propice ou defauorable, remerciant nostre Seigneur de l'vn & suppliant de l'autre, qu'elle garantist leur ville de toute calamité. Ce mesme iour du martyre de sainte Eulalie, sa compagne Iulie eust aussi la teste tranchee, suivant ce qu'elle auoit predit. Le corps de sainte Eulalie fut transporté de Meride à Ouide, où il est à present en vneriche chaste d'argent faite en forme de cercueil, qui monstre bien son antiquité. Il est en l'Eglise Cathedrale sur vn Autel dedie sous son nom. On a coustume de le porter en procession lors de quelque necessité extrême, & se trouue par experience que nostre Seigneur exauce les prieres de son peuple, & enterine leurs requestes par l'intercession de ceste glorieuse vierge, le martyre de laquelle aduint le 10. de Decembre, l'an 304. sous l'Empire de Diocletian & Maximian. Les Martyrologes font mention d'elle, & les Auteurs qui escriuent les Vies des Saincts, outre ceux dont nous auons parlé en ceste vie.

*A Rome deceda s. Melchades, ou Melchades Pape, lequel eut beaucoup enduré durant la persecution de Maximian,*

*mourut apres que l'Eglise fut remise en paix. A Spolite saint Carpphore Prestre & Abundie Diacre, lesquels durant la persecution de Diocletian furent cruellement meurtris à coups de bastons, puis mis en prison, où personne ne leur donnoit à boire ny à manger, tourmentez sur le cheualet, detenus en prison. & finalement decapitez, A Meride en Espagne sainte Eulalie vierge durant la dite persecution; estant aagée seulement de douze ans endura plusieurs tourmens par le commandement du President Dacian, fut mise sur le cheualet, perdit les ongles, endura les flambeaux ardants qu'on luy appliqua des deux costez, & ayant humé du feu, rendit son ame à Dieu. Au mesme lieu sainte Iulie vierge & martyre, laquelle fut compagne de sainte Eulalie, & comme on la menoit au supplice, la suivit tousiours, sans se partir iamais d'elle. En Alexandrie les saints martyrs Menas, Hermogenes, & Euegraphe endurerent la mort du temps de Maximian. A Angori ville de Galatie, qu'on appelle auourd'uy amasia, s. Gemelle martyr, apres auoir enduré diuers tourmens du temps de Iulien l'Apostat, fut en fin crucifié. A Lentili ville de Sicile, s. Mercuré & ses compagnons soldats & martyrs lesquels du temps de l'Empereur Licene, sous le President Tertulle, passerent par le fil de l'estree. A Vienne en Dauphiné s. Sindulphe Euesque & Confesseur.*

LA VIE DE SAINT DAMASE

Pape.

**L**es tres-sainct & tres-docte pape damase, estoit Espagnol de nation: son pere s'appelloit Anthoine. aucuns disent qu'il estoit natif de Tarragone, d'autres de Madrid, & en l'Eglise de saint Sauueur de ladite ville il y a vne lettre qui le porte: d'autres le font portugais natif de Guimarans, qui est entre la puere & Migno. Saint Damase fut vn braue Pape, & fort loüé des escriuains de son temps. Theodoret dit, qu'on l'appelloit homme admirable & digne de louange, qui reluisoit en toute vertu. Saint Hierosme son secretaire & grand amy, entr'autres loüanges, dit de luy, qu'il estoit vierge sans tache ny souilleure, comme vn vray Pape de l'Eglise. Saint Ambroise dit, qu'il fut esleu par iugement diuin: & au sixiesme Concile de Constantinople, ils l'appellerent Damian de la Foy, à cause de sa grande fermeté & constance contre les heretiques qui troublèrent l'Eglise de Dieu de son temps. Les autres Auteurs ne peuuent assez extoller ses grandeurs & excellences. Il succeda au pontificat du Pape Libere, duquel il auoit esté prestre & Vicair. Apres son eslection, vn Diacre nomme Vrsin, ou Vrsicin, homme inquiet & ambitieux, brigua pour se faire eslire, & fut assisté de plusieurs suffrages, qui furent cause d'une grande altercation en la ville de Rome, en forte que ceux d'un party & d'autre vindrent aux mains & y en eut plusieurs blesez & tuez, tant d'un costé que d'autre: ce qui fut occasion d'un schisme en l'Eglise de Dieu (neantmoins contre la volonté du saint Pape Damase) duquel s. Hierosme escrit, qu'il estoit benin, & qu'apres auoir surmonté ses aduersaires, il ne les maltraita aucunement. Ce schisme fut inconcintement appaisé, & supplanté par la verité, & par l'autorité de Valentinian l'aîné, on trancha les maux qui pouoient surieonner d'une mauuaise racine, & saint Damase demoura

10.  
DEC.

11.  
DEC.

stably en sa possession legitime : Toutesfois les meschans qui auoient tenu le party d'Vrsicin ne se rendirent pas pour cela : au contraire voyans qu'ils n'auoient peu faire perdre le siege Apostolique à S. Damase, ils tafcherent à le diffamer & faire perdre l'opinion que tout le monde auoit conceuë de sa saincteté. Pour cõt effet ils subornerent deux Diacres, Concorde & Calixte, qui estoient de mauuais garnemens, lesquels l'accuserent d'impudicité, & d'auoir commis adultere : mais le saint Pape fit assembler à Rome vn Concile de 40. Euesques, deuant lesquels il se defendit publiquement ; & le fait estant bien aueré, les accusateurs furent chafsez du giron de l'Eglise, comme calomniateurs, & pour fermer la porte à telles calomnies, il fut ordonné que la peine du talion auroit d'ores - en auant lieu en semblable cas.

Du temps de Damase il s'esleua plusieurs heretiques qui troublerent la paix de l'Eglise par de fausses & nouvelles opinions, specialement es quartiers d'Orient : Saint Damase desirant leur couper la racine par le pied, persuada au grand & Religieux Empereur Theodose (qui estoit aussi Espagnol) d'assembler vn Concile general à Constantinople, ce qui fut fait : Il s'y trouua cent cinquante Euesques, lesquels tous d'vne voix confesserent la foy du Concile de Nice, & condamnerent Macedonien, & autres heretiques : & saint Damase confirma les decrets de ce Concile, qui est l'vn des quatre generaux, que saint Gregoire disoit, qu'il respectoit comme les quatre Euangelistes. Et l'empereur Theodose, avec Gratian & Valentinian aussi Empeereurs firent vn loy, qui enioint à tous leurs subiects de suiure la religion que saint Pierre prescha à Rome & que le Pape Damase suiuit : condannant toutes les autres doctrines qui luy estoient contraires. Il se celebra encore vn autre Concile de son temps en la ville d'Aquilee, auquel saint Ambroise se trouua, lequel estoit amy intime de saint Damase, qui luy seruit & ayda bien à poursuiure les heretiques, & les chasser de Milan, & de son diocese, dans lequel par la faueur & pouuoir de Iustine, mere de l'Empereur Valentinian (qui estoit Arrienne & gouvernoit tout l'Empire, à l'occasion du bas aage de son fils) il luy auoit fait teste & vn grand rauage, au preiudice de nostre sainte religion.

Outre le soing & la diligence qu'apporta ce saint Pape, pour arracher la zizanie des heresies du champ de nostre Seigneur il s'estudia aussi à retrancher les abus qui s'estoient coulez en l'Eglise par la negligence des Prelats : de fait il supprima les Coeuesques, qui estoient vne sorte d'Archiprestres, qui demeuroient anciennement es bourgs & petits villages, pour seruir & soulager les Euesques, lesquels auoient excedé leur pouuoir beaucoup plus auant qu'il ne s'estendoit, & vsurpé temerairement les charges qui n'appartiennent qu'aux Euesques, comme de sacrer les Diacres & Sous-diacres, les Religieuses, les eglises, & le Chresme. En vne Epistre qu'escriuit saint Damase, il reprend fort

les Euesques, qui pour se descharger de trauail, prennent des coadiuteurs, qui sont plus mercenaires que Pasteurs, & adiouste : Les bons Euesques & Prelats vigilas doiuent garder leurs troupeaux, avec le mesme soin que Iacob dit à son beaupere Laban qu'il auoit maintenu ses brebis, sans icter le fardeau sur les espaules d'autrui, & se donner du bon temps du reste.

Il escriuit aussi aux Euesques d'Afrique, pour les aduertir que les choses graues & importantes, & les affaires qui touchent les Euesques, ne se peuuent determiner sans l'authorité du pape : il fit bastir deux Eglises, l'vne en la ville de Rome en l'honneur du tres-inuincible Martyr saint Laurent, & l'autre es faux-bourgs en la rue Ardeatine, aux Catacumbes, où il consacra la Patonie, qui auoit seruy de sepulture à l'Apostre saint Pierre, lesquelles il enrichit de beaux dons : il trouua plusieurs corps Saincts des Martyrs, desquels il orna les sepulchres de Vers tres-elegans : il composa quelques oeures, entr'autres vn en vers à la sepulture des Princes des Apostres saint Pierre & saint Paul, & vn liure des papes ses predecesseurs : il est vray que le Cardinal Belarmin, & autres grands personages de nostre temps, ne l'estiment pas digne de saint Damase. Il se seruit de saint Hierosme, pour respondre aux doutes & consultations des eglises de toute la Chrestienté, qui s'en adressoient au saint Siege Apostolique, & il l'estima & honora tellement à cause de sa grande saincteté & science, qu'estant le souverain Pasteur, de toute l'Eglise, il l'écouitoit comme s'il eust esté son disciple (tant il estoit humble) il luy proposoit les difficultez qu'il rencontroit en l'Ecriture sainte, afin qu'il les luy exposast : il donna autorité à la translation du vieil Testament faite par S. Hierosme, l'Eglise s'estant seruee iusqu' alors de la version des septante Interpretes.

En fin apres auoir tres-sainctement gouverné la Nacelle de saint Pierre 18. ans commencez, ou comme dit le Breuiare reformé par Clement VIII. 18. ans 2. mois & 26. iours : aagé de quatre vingts ans, comblé de vertus & de merites, il passa de ceste vie temporelle, à l'eternelle l'vniuerselme du mois de Decembre, l'an de nostre Seigneur trois-cens octante quatre, sous l'empire de l'aîné Theodose : il tint cinq fois les Ordres, esquels il fit trente - vn prestres, vnze Diacres, & vingt-six Euesques : il fut enterré en l'Eglise qu'il auoit fait bastir en la voye Ardeatine, apres de sa mere, & d'vne sienne seur : depuis son corps fut transporté en l'autre Eglise de S. Laurens en Damase, qu'il auoit pareillement fait bastir en la ville. Nostre Seigneur fit plusieurs miracles par ce saint pape apres son decez, guarissant de plusieurs maladies ceux qui en estoient affligez, & deliurant les demoniacles : durant sa vie il rendit la veue à vn homme qui auoit demeuré 13. ans aueugle.

Tous les Martyrologes, compilateurs des vies des Papes, & les Historiens Ecclesiastiques font mention de luy, & le Cardinal Baronius es Annotations sur le Martyrologe, & au quatries-

me Tome de ses Annales, & les autres Saints dont nous auons parlé au commencement de ceste vie.

*A Rome mourut saint Damase Pape, lequel condamna Apollinaris heresiarque, & restablit en son siege Pierre Euesque d'Alexandrie, qui en auoit esté chassé, trouua par sa diligence plusieurs corps des saints martyrs, honorâ leurs sepulchres de beaux vrs, & gardâ sa virginité iusques à la mort. A Rome mesme S. Thrasion, nourrissant de ses biens les Chrestiens qui trauiilloient aux bains, & autres veures publiques, ensemble ceux qui estoient detenus en prison, fut prins par le commandement de Maximian, & martyrisé avec Pontian, & Pretexat. A Amiens moururent saints Victorique & Fuscian, lesquels sous le mesme Empereur, le President rictionaire fit diuersement tourmenter, commanda qu'on leur mit certains pieux de fer dâs les narines & dâs les oreilles, qu'on leur perçast les temples avec des cloux ardens, qu'on leur arrachast les yeux de la teste, qu'on les couurit de coups de dardz, & en fin les fit decoler, avec Genrian leur hoste. En Perse deceda saint Barsabas martyr. A plaisance saint Sabin Euesque, renommé pour ses miracles. En Espagne saint Eurychie Confesseur.*

*A Rome saint Synese ayant esté fait lecteur du temps du Pape Xyste second du nom, & conuertit plusieurs à la Foy, fut accusé par deuant l'Empereur Aurelian, & par luy condamné à la mort. En Alexandrie les saints martyrs Epimachee & Alexandre ayans esté longs-temps en prison, & affligés de diuers tourmens persistans neantmoins tousiours en la Foy, furent bruslez du temps de l'Empereur Dece. Au mesme lieu moururent les saintes Dames Ammonaire vierge, Mercuria, Demse, & une autre nommée encor Ammonaire. La premiere ayant surmonté une infinité de courmens tous nouueaux & inuistez, du mesme Empereur Dece, passa par le tranchant de l'espee, les autres trois furent sur le champ decolées. A Treues les saints martyrs Maxence, Constant, Crescent, Iustin, & leurs compagnons martyrisés durant la persecution de Diocletian, sous le president rictionaire.*

LA VIE DE SAINTE LUCE  
Vierge & Martyre.



**L**A glorieuse Vierge & Martyre sainte Luce, naquit d'illustres & riches parens en la ville de Saragoce en Sicile: elle estoit Chrestienne dès son enfance, & fort encline à toutes choses de vertu

& pieté, specialement à conseruer la pureté de son ame, & d'offrir à Dieu la fleur de sa virginité. Son pere estant decedé, sa mere Eutice la promit en mariage contre son gré, à vn Gentil-homme de fort bonne maison, sinon qu'il estoit Payé, Luce y apportoit toutes les longueurs & defaites qu'elle pouuoit, pour rompre ce mariage; nostre Seigneur luy en enuoya vne fort à propos, qui fut vne longue & fascheuse maladie de sa mere Eutice, d'vn flux de sang qui luy dura quatre ans: sans trouuer aucuns remedes, ny medicamens propres à son mal. La renommée de sainte Agathe estoit lors fort grande par toute la Sicile, laquelle du temps de l'Empereur Dece auoit souffert martyre pour la foy de Iesus Christ en la ville de Carane, distante enuiron de treize lieues de Saragoce: Dieu faisoit de grands miracles au sepulchre de sainte Agathe, on y abordoit de toutes parts pour obtenir santé, & autres bien-faits de nostre Seigneur Iesus-Christ, par son intercession,

Sainte Luce conseilla sa mere d'aller en voyage à Catane visiter le corps de sainte Agathe, parce que sans doute elle trouueroit vn diuin remede à son mal: apres auoir essayé en vait celuy de tous les humains, elles allerent en pelerinage à Catane, visiterent l'Eglise de sainte Agathe, & se prosternerent sur son tombeau, faisant vne longue priere, pour obtenir de Dieu par l'intercession de la sainte Vierge, la guarison d'Eutice en ceste sienne necessité: sainte Luce s'endormit en oraison, & veid en songe sainte Agathe resplandissante & richement vestue, suivie d'vn grand nombre d'Anges, laquelle luy dit d'vne face riante: Ma seur Luce, pourquoy me demandez-vous ce que vous pouuez facilement donner à vostre mere, à laquelle vostre foy a rendu la santé? tout ainsi que la ville de Catane a esté illustree par moy, de mesme celle de Saragoce sera par vous annoblie: car vous avez preparé en vostre pureté virginal, le temple du S. Esprit, & vne demeure digne de Dieu. A ces paroles sainte Luce s'estueilla, & dit en riant à sa mere: ma mere, vous estes guarie, ce qu'elle trouua vray, dont elles rendirent toutes deux grâces à Dieu, & à la glorieuse S. Agathe, par l'intercession de laquelle nostre Seig. auoit guaruy Eutice.

S'en retournans à Saragoce, la sainte fille pria sa mere de ne luy parler d'aucun mary du monde, & qu'il luy pleust employer les deniers qu'elle auoit destinez pour son dot, au seruice de l'Es-poux celeste immortel qu'elle auoit choisi: Eutice ne prenoit pas plaisir d'ouyr parler de se despoüiller de son viuant de son bien, & prioit sa fille d'attendre apres son decez, qu'elle disposeroit lors de tout à sa volonté: mais la sainte fille luy repliqua que les aumosnes qu'on fait apres la mort ne sont pas si agreables, comme celles qui se font durant la vie, parce qu'en mourant on laisse ce qu'on ne scauroit emporter, & l'on dône en vie ce dont on peut iouyr: & celuy qui chemine la nuict, doit faire marcher le flambeau deuant pour estre esclairé, & voir où il met le pied.

Sainte Luce remonstra si bien cela à sa mere, qu'elle la persuada en fin de luy bailler son dot: lequel elle vendit, & en distribua liberalement l'argent aux pauures. Le Gentil-homme à qui sa mere l'auoit accordée: sachant cela, croyoit du commencement qu'elle vendit ses bagues & ioyaux pour mettre son argent en quelque belle terre: mais si tost qu'il vid que c'estoit pour donner aux pauures necessiteux, & que Luce estoit Chrestienne, il la print en telle horreur, qu'il l'alla accuser deuant le rfect, nommé raschal, d'estre forcere, sacrilege, & ennemie des Dieux de l'Empire Romain. Le President la fit venir deuant luy, & tascha par ses discours à luy persuader de quitter la vaine superstition des Chrestiens, & de sacrifier aux dieux à quoy la sainte Vierge ne voulut aucunement entendre: au contraire elle luy respondit franchement que le vray & plus agreable sacrifice à Dieu, c'estoit de visiter les veufues, les orphelins, & pauures miserables, pour les consoler en leurs tribulations, & qu'elle s'estoit employée 3. ans en ce sacrifice,